

2. D. B. V.

DISSERTATIO INAUGVRALIS MEDICA  
DE

SAMBVCO,

RECTORE ILLVSTRIS SALANÆ MAGNIFICENTISSIMO,  
SERENISSIMO PRINCIPE AC DOMINO,  
DOMINO

GVILIELMO HENRICO,

DVCE SAXONIÆ, IVLIACI, CLIVIÆ, MONTIVM,  
ANGARIÆ, WESTPHALIÆ, ET RELIQVA,

SVB PRÆSIDIO

GEORGII WOLFFGANGI  
WEDELII,

HÆREDITARII in Schwarza/

MEDICINÆ DOCTORIS, COMITIS PALATINI CÆSAREI,  
SACRÆ CÆSAR. ET CATHOL. MAIEST. AC SERENISSIMORVM SAXONIÆ DV-  
CVM CONSILIARII, VINARIENSIS AVLICI, ET ARCHIATRI, PRAXEOS ET  
CHIMIÆ PROFESSORIS PVBLICI ORDINARII,

TOTIVS ACADEMIÆ ET FACVLTATIS MEDICÆ SENIORIS,  
PATRONI GRAVISSIMI, PRÆCEPTORIS FIDELISSIMI ET PRO-  
MOTORIS SVI SANCTA AC NVNQVAM INTERMORITVRA

PIETATE DEVENERANDI,

PRO LICENTIA

SVMMOS IN ARTE SALVTARI HONORES, INSIGNIA ET PRIVILEGIA DOCTORA-  
LIA, MORE MAIORVM, LEGITIME ACQVIRENDI,

PVBLICO ERVDITORVM EXAMINI EXPOSITA

AB AVCTORE

FRIDERICO AVGVSTO TREISE,

NEIDSCHVTZA-MISN.

AD D. MAII M DCC XX.

IN AVDITORIO MEDICO,

LOCO ATQVE HORIS ANTE ET POST MERIDIEM CONSVETIS.

---

LITTERIS IOANNIS FRIDERICI RITTERI.



51960/P

THE UNIVERSITY OF MICHIGAN LIBRARY

2A MBV CO

CHIFFON HENKIC

GEORGE WOLFGANG

WILLIS

PRO LITTE

LIBRARY OF THE UNIVERSITY OF MICHIGAN





I. N. I.

## PROOEMIUM.



Vllum certe, quod vniuersus cingit orbis, datur spatium, ex quo non summæ bonitatis ac sapientiæ diuinæ abys-  
sus præluceat, adeo, vt quorsum oculos & mentem vertamus, obstupescere, & cum Regio Psalte exclamare cogamur: Ecce quam bonus est Dominus, bene omnibus, qui in ipsum confidunt.

Id singulis diebus videmus. Emicant in cœlo omnia astra, ex quibus princeps sol, viua velut Summi Numinis imago quædam, calore suo cuncta sublunaria vegetat.

In terra occurrunt decantata illa medicorum tria regna, vbi velut ex inexhausto naturæ penu aliquot millia plantarum, mirandæ diuersitates animalium & aquatiliū, & vix exhausti mineralium metallorumque corpora emergunt, ex quibus benignitatis & sapientiæ diuinæ vestigia quotidie magis magisque innotescunt & celebrantur.

Maxime autem omnipotentis Creatoris clementia ac misericordiæ paternæ amplitudo generi humano, per lapsum



protoplastorum in varias & animi & corporis imbecillitates deiecto, amplissimum saluberrimorum remediorum in terræ superficie aperuit campum, ex quo deinde morbis afflicti & morti delendæ & morbis abigendis profutura arcesserent auxilia.

Et sane vel vulgo quoque persuasum habetur, in herbis summam medendi vim latere, nec tantum rariores magnis pollere virtutibus, sed & vbiuis obuiarum, & iuxta omnes fere humiles attegias reperiundarum plantarum insignem & multiplicem efficaciam laudari satis vix posse.

Hinc non dubitavi terræ superficiem spectare, inprimis vbi WEDELIVS D. Præses meus summo obseruantia cultu in omne æuum deueniendus, calcar huic meo consilio dedit, quando in *Præfat. ad Amoen. Mat. Med.* inquit: Amoena non facile nauseam sui parant, sed repetita quoque non displicent, imo eo maiorem spirant gratiam, quo frequentius subeunt vsum, quæ verba deinde etiam ad simplicia applicat.

Et quidem tanti Viri auctoritate incitatus, vt eiusdem exemplum sequerer, elegi pariter vulgarem arborem ad omnes fere muros antiquos & sepes eminentem SAMBV-CVM, non ob magnitudinem, sed egregias virtutes polychrestam dicendam, ideoque vltiori scrutinio speciminis inauguralis loco dignissimam.

Huius itaque naturam & vsum meditationi & euolutioni pleniori paulo, quantum quidem vires & tempus concedent, subiicere propositum est. Faxit Deus T. O. M. vt omnia in sanctissimi sui nominis gloriam & proximi emolumentum vergant!

CAPVT



## CAPVT I.

DE

*Nomine, Differentia & Definitione Sambuci.*

**V**Egetabilia optimo consilio iam à veteribus in certa genera distincta esse, vel nemo negabit, nisi plane hospes sit in rei herbariæ studio. Sic enim abunde patet ex *Theophrasto Eresio, l. i. Hist. pl. c. 5.* hæcce ab ipso recte diuidi in arbores, frutices, suffrutices & herbas, quibus plantis latius sambucus accensetur *Φυτῶς*, strictius vero arbores significat. Notissimis licet hæc sint accensenda, attamen præmittere consultum fuit, cum ex his genus quoddam sit, cui iam indagando operæ pretium erit, & quidem in censum venit arbor, quæ vocatur Sambucus, cuius historiam in præsentī dissertatione contexere animus est.

Sambucum itaque, quo nomine planta nostra communiter plerisque vsitata est, à Sambuca musico instrumento, *Prudentio Apoth. v. 216. & Vitruvio Lib. VI. c. 1.* qui etiam schema talis trigoni, vti hoc organon musicum fuit, depictum habet, ita dicto, quod quidam *τετραχορδον* vocant, primam originem traxisse, affirmantium rationes haud temnendæ fidem faciunt, qua de vid. *Becmannum Libr. de Origin. Lat. Ling. pag. 491.*

Optimam censet opinionem *Abrab. Couleius in Not. ad Poemat. Lat. p. 322.* qui ideo ita dictam fuisse sambucum tradit, quod ex eius ramis vel ligno instrumentum hocce fieri solitum sit, nec tamen illorum ratio plane reiicienda est, qui ab inuentore laudati instrumenti, cui nomen *Sambyx* fuerit, denominatam putant.

Vti



Vti vero antiquior & frequentior alicuius plantæ vsus sapius facit ad multiplicationem nominum, ita idem etiam de sambuco valet & verum est. Sic *Q. Sereno Cap. 7. aliis* 8. fabucus audit, sed iuxta quosdam putatur, intellexisse potius chamæacten, cum parua sambucus dicatur, quod χαμῆι, *humī, ad terram*, vocem exprimat. Alii vero communiter sambucum ipsam ita dici rentur, cum & apud *Plinium* huius nominis mentio occurrat. Alii metri ratione motum id fecisse opinantur.

Ab *Abraham Couleio l. c.* vocatur acte, quando canit:

*Non minus hic acte latatur & assidet vndis,  
Sed tamen humanis stagnantes pellere membris,  
Dicitur, hæc effata;*

quod vocabulum à græco ἀκτὴ littus, quia littore & locis humidis gaudet secundum opinionem *Pena & Lobelii in Advers. Stirp. p. 434.* deriuatur.

Ob eandem rationem Græcis quoque ἀκτὴ dicitur, attestantibus *Diosc. L. IV. C. 174. Theophr. Eresio L. III. Hist. pl. c. 13. L. I. Caus. c. 1.* itemque *Coo ipso pluribus locis*, vnde adhuc hodie passim celebrata tragea granorum actes resultat.

Vtque leue & inane deprehenditur & habetur sambuci lignum, & apud *anonymum in sine Moscbionis*, item *Nic. Myrepsum in Glossar. Græc.* pro synonymo habetur κροξυλέα, & si *Theophrastum Eres. H. P. L. V. c. 4.* sequamur, ἀκτινὸν ξύλον vocari debet sambucus. Id factum sine dubio fuit, quod fragilitas ligni occasionem dederit huic denominationi.

Tacemus ob arboream proceritatem δένδρῆτιν vocari sambucum, quæ aliis gemma audit, aliaque synonyma, ab aliis differentiis desumpta, quorum apud Græcos habentur non pauca, quæ recensere fuerit superfluum.

Apud



Apud Latinos multa adhuc leguntur synonyma, quorum, ne quid desideretur, aliquam mentionem faciemus. *Ioh. Baubinus* & *Tragus* sambucum vulgarem nominant, cum vel rudi quoque plebeculæ sit notissima hæc planta. Promiscue vero sambucum fructu in umbella nigro legas, & sambucum umbelliferam apud *Casp. Baubinum* & *Anguillaram* aliosque plures, ut ab umbellis, quas in flore & fructu fert elegantes, sic dictam fuisse opinari fas sit.

Mentionem quoque faciunt *Castor* & *Camerarius* una vocari *sambucum domesticam*, siue vulgarem, & *campestem*, & quidem à loco natali, cum in pagis prope omnes fere casas, & in sepibus iuxta campos hæc abunde progerminet.

*Plinius* & *Ryffius* sambuceam arborem, vel sambucum arborescentem dici volunt, quod proceritate & magnitudine arbori exacte respondeat, qua de causa etiam à *Plinio* inter arbores scutis aptas refertur.

Præter hæc varia a variis huic plantæ nomina sunt data, quæ si omnia commemorare animus esset, nimis prolixum foret, hinc breuitati studentes intacta relinquimus, præsertim cum maximam partem obsoleta & barbara apud rei herbariæ scriptores invenire liceat.

Ad nostram Germaniam ut reuertamus, fas erit visitata sambuci nomina paululum perlustrare. Inuenimus itaque vocari illam vſitatisſime *Holunder*, vel *Holunder-Baum*, quamvis nonnulli contracte *Holder* pronuncient, & quidem non sine ratione sic nominari interest, vel a cavitare ligni, vel potius ob multiplicem vtilitatem & gratiam, ut dicatur *Holder* quasi ab *Hulder* vel *Huldreich* deriuandam esse nefas dictu non fuerit. Alias appellatur *Glieder* ut *Gliedermuß*. In pagis audiunt baccae siue fructus *Zwiefchen*, *Zweyſchen*, *Beer* vel *Schöpfchen*. Reliquorum



quorum nominum etymologiam, licet aliqua coniectura euolui possit, omittere placet, cum non de vocabulis, sed de rebus dilucidandis agendum sit.

Si locum attendamus natalem, non solum locis humidioribus, palustribus & vmbrosis, sed etiam aliis in locis siccioribus reperitur, vix vllus enim datur locus, cui DEVS, benignissimus pater hanc plantam polychrestam non fuerit largitus, vnde sponte in pratis incultis, ad sepes & antiquos muros prouenit, & semet ipsam multiplicat, imo *in denen Dörffern bey allen Bauer - Hüttchen und Gärten* copiose progerminat, nullibi vero magis crescit, quam in coemeteriis, ad quæ loca à rusticis laudabili consilio relegatur, ne in hortis aliis arboribus & herbis locum præripiat, nam facillimo negotio semet ipsam amplificat.

Quod & aliis plantis, ad sambucum plane non pertinentibus hocce nomen impositum sit, patet ex *Hans Sloane Catalogo Plantar. quæ in Insula Iamaica sponte proueniunt. p. 165.* qui refert, quod grossularia fructu non spinoso malabathri foliis subtus niueis fructu racemoso in vmbellæ modum disposito Barbadosibus sub nomine sambuci veniat. Sic ab *Amato apud Auicenn. L. II.* nomen sambuci etiam Iasmino tribuitur, quando per sambucum illud sambac vel iasminum se intelligere ipse fatetur.

Errorem eiusmodi haud committeret vulgus, quando syringam germanice Spanischen vel Türkischen Holunder vocat, si accuratius flores sambuci cum floribus syringæ conferret, siquidem hic signa reperiuntur, quibus facile à se inuicem hæ duæ plantæ distingui possunt.

Tacemus, *Iob. Sambucum* Medicum Cæsareum & Polyhistorem cognomine fuisse, qui anno ætatis quinquagesimo tertio apoplexia fatali cruditorum morbo obiit.

Quid



Quid frequentius occurrit in rei herbariæ studio, quam plantas inuenire vno nomine gaudentes, diuersam tamen faciem, si non quoad totum, saltem quoad partem referentes. Idem fatum & sambucus nostra habuit, alia enim figura prædita est *Sambucus aquatica*, alia gaudet humilis siue *Ebulus*, alia *racemosa rubra*, & adhuc alia conspicitur sambucus folio laciniato, vt alias taceam. Hanc differentiam magis magisque obseruarunt rei herbariæ scriptores, quare duorum generum plantam nostram esse primitus affirmarunt *Dioscorides*, & *Plinius*, quia sambucum arborem, & sambucum humilem siue syluestrem, verbo ebulum notauerunt tantum. His duabus vero successu temporis a recentioribus botanicis multæ adhuc species sunt additæ, ex quibus vnicam adhuc iam nominare conuenit sambucum fructu in umbella viridi seu sambucum fructu albo, quæ gemina paucis abhinc annis hic in suburbio visa fuit.

Promiscue autem curiosi hodie botanici in harum specierum numero definiendo dissentiant. Octo species recensuit *Casp. Bauhinus in Pinac. Tournefort in Instit. Rei herbar.* itidem octo, & in *Coroll.* adhuc vnâ, adeoque in vniuersum nouem, alii pauciores commemorant species.

Ordo nunc requirere videtur, vt reliquarum sambuci specierum nomina, & singularum synonyma, item faciem siue formam explicaremus: verum quia hoc post alios rei herbariæ scriptores satis præstiterunt *Casp. Bauhinus l. c. Tournefortius l. c. Raius Histor. Plant.* consultius iudicamus, eo remittere lectorem, præsertim cum non omnes istæ species in vsum vocentur medicum, quædam exoticæ sint, & vna ferme sit instar omnium sambucus vulgaris, quæ ordinarie præ cunctis speciebus reliquis asseruatur in officinis, & à medicis toto die præscribitur.



Hæc enim cum in officinis nostratibus fere vnica reperiatur, ac præ cæteris in vsum cedat medicum, potissimum dissertationis nostræ erit subiectum; quare eius definitionem iam tradere animus est: Sambucus vulgaris est arbor vbiuis obuia; variæ magnitudinis, flore pentapetaloide, rotato in vmbellam siue racemum composito, & in baccas succi plenas, atropurpureas, itidem vmbellatim positas, abeunte, feminibus vel granis plerumque ternis, planis & oblongis, singulis baccis inclusis, ramis leuioribus, fruticosis & medulla plurima, fungosa, alba & leuissima infarctis, caudice plurima parte lignoso, foliis alatis oblongis, mollibus, geniculatim positis, tota fere in vsum medicum & chirurgicum veniens.

Hiscæ notis distingui potest a reliquis plantis, nec cum alaterno confundi debere *Cl. Knaut. Meth. Plant. gen.* ostendit.

GENVS itaque constituit non tam planta, ne generalius nomen reddat dubium, quam arbor, cum inter vegetabilia huic affinia reperiantur plura, differentia specifica desumpta a floribus vmbelliferis & a seminum qualitate. Flosculi enim vmbellatim compositi cernuntur, & singulis baccis in latiores racemos seu vmbellam congestis, semina plerumque tria plana & oblonga inclusa reperiuntur, & sic à speciebus sui generis aliisque quoad florem huic plantæ consimilibus multo magis discerni potest.

Talem figuram offert arbor nostra, si eiusdem partes componentes simplices lustremus, quoad folia, flores vmbelliferos, acinos vel arillos albos, nigros, turiones, lignum cauum in medio, & quando externam faciem consideramus, iucundiora occurrunt in foliis viridibus, quæ ad partes continentes pertinent, & ad costam vnâ annexa vt plurimam



num terna, quaternaue, imo interdum quina, septena in vtrisque lateribus ex interuallis ramorum copiose exeunt, & alata, oblonga, acuta, in ambitu minutim secta, atrouirentia notantur, odorem graueolentem & saporem nauseabundum possident; asseruantur sicca & arida in quibusdam officinis.

Flores hi in ramulorum extremitatibus & cauliculis in elegantes vmbellas aut racemos coacti albo colore corruscant, singulus flosculus totidem gaudet staminibus ad luteum colorem vergentibus, quot incisionibus, & exiguo petiolo innixus, tandem plures in vnum communem coeunt, odorem de se spargunt gratum, diffusum & penetrantiorum, quare odore suo fragrantissimo totam fere atmosphaeram adimplent, quod communissime mensibus Maio, Iunio & Iulio fit, quippe quo tempore flores & oculis & naribus percipiuntur, nisi maior varietas tempestatum id prohibeat.

Flores sequuntur baccae, quae itidem in vmbellas compositae initio virent, post rubescunt, & demum per maturitatem atropurpureae, & succulentae, succum concolorem reddunt, reperiuntur tamen & baccae, quae plane albescunt. Grana siue femina aut nuclei parui, quorum in singulis baccis plerumque terni deprehenduntur & pericarpio succoso seu baccis in latiores racemos congestis includuntur, sunt exigui, plani & oblongi.

Turiones, vel summitates, vel prima germina in stolonibus & ramulis primo vere copiosius reperiuntur, odorem habent penetrantem, & nonnihil nauseosum.

Lignum vel caudex durior deprehenditur, & a partibus continentibus membrana, & cortice mediano cingitur, quae membrana in caudice rimosa, sordescens, in stolonibus vero subtilis, cinerea & quasi argentea conspicitur. Huic sub-



iacet cortex herbaceus, immediate lignum inuoluens, officinis medianus dictus, qui multis neruosis fibris gaudens, facile à ligno separari potest, & tunc albescit. Sub hoc cortice cernitur lignum, quod in caudice, ex radicibus multis in terra dispersis exporrecto, & sursum ascendente durum & nonnihil cavum reperitur, in stolonibus vero & ramis paucum idque leue habetur lignum.

Consideraturis contenta plantæ nostræ primo loco occurrit succus, quo maxime gaudent stolones, itemque rami, ex quorum cortice mediano exprimitur, copiosius autem habetur in cortice radicis. Sic & oleum ex omnibus fere partibus haberi potest. Nec minus notabilis quantitas medullæ ligno sambuci includitur, quippe quæ medulla *καυθήνη* plurima, albescens & leuissima deprehenditur in stolonibus & ramis leuioribus.

Adhæret interdum quoque caudicibus sambuci antiquis *fungus* siue spongia, ob figuram auris, quam repræsentat, Auricula Iudæ dicta, qui membranofus plexuque multiplicis & mæandris distinctus apparet, & aquæ immersus ad spongiæ instar turgescit.

## C A P V T II.

DE

### *Temperie & Viribus Sambuci.*

**C**Um haftenus maxime structura & externa quasi facies sambuci considerationi subiecta sit, ab hac vero medicæ plantarum vires minime cognosci queant, ideo nunc conuenit, intimiora plantæ nostræ rimari, & latitantes in eadem virtutes e latebris suis eruere, siquidem ab harum præsentia & proportionem in qua-



qualibet planta vires medicamentorum dependere satis evictum est.

Manifestantur autem principia hæc optime per sensus. Sic color in staminibus florum cernitur flauus, qui *D. Præside* autore in *Tract. de Med. Facult.* testis est sulphuris actiui ac eminenter præsentis, tum quantitate, tum qualitate & motu, vnde calidam esse sambucum facile erit iudicare.

Diiudicatur hæc ipsa temperies etiam odore, qui testatur de particulis salino-sulphureis, volatilibus in mixto hoc hærentibus; hinc ob sulphur fragrantius & graueolens non paucis fit ingratus, & inuisus hic odor, præsertim qui ex recenti planta exspirat, imo tempore, quando hæc arbor albescit, hocce sulphur caput grauare & membra torpida reddere aliquoties obseruatum fuit.

Sed magis vires sambuci manifestantur, quando tertium sensum, saporem nempe, consulimus, hic enim minima diiudicat, ac ad intima penetrat, & eo ipso mediantibus papillis nerueis linguæ deprehenditur sulphur vitriolicum & amariuscule, quod non, nisi cum nausea, ob heterogeneitatem particularum degustari potest, & tam in crudis sambuci partibus, quam præparatis contingit, quod in his tamen paulo mitius est.

Ex quibus patet sambucum partibus salinis, volatilibus & sulphureis expansis gaudere, ideoque calidam temperiem in sinu fouere.

Declaratis ita sensibilibus præcipuis sambuci qualitatibus, nunc ad facultates viresque medicas explicandas facillimo negotio progredi possumus. Quemadmodum vero *Ere-sius Histor. Plant. L. 1. c. 19. p. 22.* de plantis in genere earumque partibus minus contemnendam rationem profert, ἀπὸ τῆς φύσεως τῶν δένδρων, καὶ τῶν φυτῶν, οἷον



ρίζα, καυλός, ἀκρέμων, φύλλον, καρπός, ἔχει πρὸς οἰκειότητα πρὸς τὴν ὅλην φύσιν. *Uniuersæ arborum, plantarumque partes, ut radix, caulis, ramus, folium, fructus, cognationem quandam habere tota cum natura videntur*; ita hæcce obseruare consultum fuit. Vt enim natura ex miscela quadam elementari conflata existit, seu qualitatibus & temperamento gaudet suo; ita specificè determinatis ex illo eadem attribuuntur communia cum toto principia.

Si hæc dicta applicemus, & ad sambuci καρπὸν καὶ μίξιν respiciamus, communiter temperamentum sambuci, sensu ipso & effectū teste, iudicari calidum & siccum legimus, idque gradu primo. Ob partes enim salinas, volatiles & sulphureas expansas, ut & fixiores alcalicas, & sulphureas calorem sanguinis auget, eumque sic rarefaciendo distensionem & secretionem feri promouet, & certe supra indicatus sapor & odor calefaciendi non obscuram produnt, multoque magis siccandi facultatem.

Consentiunt quoad siccandi facultatem experientia ducti ipsemet *Pergamenus L. VI. simpl.* itemque *Fuchsius & Amatus Lusitanus* aliique; qui sambuco resiccandi, conglutinandi ac modice digerendi facultates adscribunt; sed & aliæ facultates adsunt, nam sambuci quidem cortices, folia, prima germina, flores ac fructus non modo resiccant, sed & calefaciunt.

Frigidam vero hanc plantam esse contendunt *Actuarius & Plinius*, & quidem prior contra laudatam rationem, posterior frigidum temperamentum de ligno, & non de cæteris partibus intelligit, quod exinde patet, quia illo in loco, ubi frigidam dicit sambucum, tantum de usu ligni loquitur.

Alii hancce ob causam sambucum eiusque aquam frigida esse temperie statuunt, cum ab applicatione aquæ in erysipelate sinister euentus aliquoties sit secutus, ubi quidem  
talis



talis effectus potius peruersæ applicationi attribuendus; testis est quotidiana experientia, quod interdum purum putum phlegma in officinis sub nomine aquæ destillatæ sambuci exhibeatur, erysipelas autem madida perferre non potest. Hinc facile concludere licet, sambucus frigida temperie esse haud potest, quæ enim resoluunt, & feri difflationem promouent, frigida esse haud possunt.

In praxi quidem sæpius dicitur refrigerare sambucus, quoniam ab eiusdem applicatione in inflammationibus calor cessat, sed committitur hic fallacia non causæ, vt causæ; hoc certum, sambucus inflammationes abigit, sed resoluen- do stas in sanguinis, & difflando partes calidiores in sanguine stagnante existentes, non refrigerando absolute.

Hinc satis inter omnes constat, quam valide citra magnos naturæ motus per insensibilem transpirationem omnia ex hac arbore parata medicamenta discutiant, serum ducant, pellantque, incidendo enim & attenuando in motum cient humores lentos, & ad corruptionem pronos corrigunt, ac noxios eliminant, insimul blande abstergunt vasorum & meatuum obstructions.

Tota vero planta iuxta singulas partes medicinalis est, ideoque pro diuersa intentione variaque corporis conditione nunc flores, nunc baccas, nunc corticem medianum, nunc spongiam, nunc turiones in vsum vocare conuenit, siquidem hæ singulæ partes pro vario vsum in officinis prostant. Nec tamen reliquas partes sambuci plane steriles esse, veteres docent, qui nunc folia, nunc succum radices, nunc lignum, nunc radicem ipsam in variis affectibus non sine omni fructu adhibuerunt, licet hodie obsoleta rarius imo rarissime in vsum cedant medicum, iam enim multo præstantiora & tutiora in armamentariis prostant medicis.



Diuidi hinc possunt commodè vires sambuci, quæ diuersæ notantur, vt tanquam vniuersale, in quo iuxta *Barthol. Med. Dan. Diff. I.* plus medicinæ latet, & tutior omni tempore salubritas, quam in pomposis antidotis, patre theriaca, & matre, mithridatio, omnium fere medicamento- rum catalogo inferri possit, in vniuersales, quæ toti corpori conueniunt, & particulares, quæ certis partibus seorsim dicatæ.

Primo loco laudari debet vsus *diaphoreticus*, isque communissimus. Nam ob particulas salino-sulphureas, volatiles, viscidos ac lentos humores dissoluit, attenuat fluxilioresque reddit; hinc serum fundendo, & exhalationi aptando illud per glandulas subcutaneas copiosius eliminat. Quare egregium celebratur medicamentum ad omnes febres, & præsertim quartanam, inflammationes, omnium maxime erysipelas, tam præseruandi, quam abigendi fine. Hunc in finem sæpius à *D. Præside* vt egregium specificum in erysipelate præcauendo & abigendo, tam interne quam externe, commendatum fuit. Id quoque affirmat cum *Solenandro Consil. Med. XII. S. 5. Sim. Paulli in Q. B.* qui huius præstantiam in erysipelate, qua multa generosa remedia antecellit, multum celebrant. Simili modo in erysipelate dilaudatur à *Michael. Not. ad Schroed. p. 605. & Phil. Gruling. Florileg. Chim. p. 29.* qui adhuc in febribus quartanis celebrant sambucum vt insigne medicamentum.

Sic etiam ob vim diaphoreticam, qua multas particulas aqueas, oleosas, salinas & sulphureas sub nomine sudoris per poros cutis eliminat, in *corpulentia nimia* utiliter adhibetur, promiscue autem ob effectum, quem toto die edit, refrigerandi fine in omnibus inflammationibus, febribus, variolis, febribus petechialibus, erysipelate summa utilitate in vsum vocatur.



Per sudorem vero sambucus non solum aqueas, salinas & sulphureas particulas, sed & malignas & peregrinas tam potenter è corpore eiicit, vt vulgus etiam illam & eius præparata theriacæ adæquet. Vt enim theriaca potissimum laudatur, quod sit antidotus contra venena; ita & sambucus eodem nomine celebratur; quippe motum humorum deficientem restaurando fieri non potest, quin etiam vna eundem vitiosum vel fermentatium, præternaturalem, & ad corruptionem seu putredinem tendentem auertat & emendet. Hinc insigni cum fructu non solum per se, sed & cum aliis alexipharmacis mixta adhibetur contra venena, morbos malignos & contagiosos, imo *pestem* ipsam suo loco, tam curandi, quam præseruandi fine.

Quemadmodum autem sambucus maxima *evacuandi* vi pollet, ita non solum serum subtilius redditum per poros cutis, sed & per vias *vrinarias* educit, & sic quoque, cum fundat sanguinem, partes viscidas lentas, tartareas incidat, & poros renum dilatet, humectando & lubricando, diureticum laudatur remedium.

Hic commemoranda venit curiosa obseruatio *Phil. Grülingii*, in *Florileg. Hipp. Herm. Chim. p. 27. C. 4.* vbi de *medulla* ex ramis *sambuci* asserit, quod illa, si in minores partes diuisa, deuoretur, potenter obstructio- nem tollat, calculum resoluat, & egregie hydropicos iuuet, sed nisi stimulando & irritando id agat, aliter non patet ratio, quomodo hoc fiat, cum alias medulla plane omnisqua- litatis expers sit.

Seorsim vero, cum non solum humores serosos, & materiam aquosam per vrinam, sed & per alias vias publicas educat, inter *purgantia* referri meretur, viscera enim humectando, emolliendo & aperiendo, spiculisque suis salinis ir-



ritando purgandi vim obtinet, sed quandoque non absque molestia & ventriculi incommodo.

Hinc ob vim *purgandi* aquosos humores & pituitam, insigne celebratur *antihydropicum* medicamentum apud multos, qui sambucum, & eius præparata egregie hydropicos iuuare asserunt. Sed cum hodie concentratiora & tutiora prostant remedia antihydropica, iam laudata sambucina rarius a medicis præscribuntur. Multum quidem laudatur hunc in finem succus radicis à *Minderero Med. Milit. c. VI. Velschio Chil. 1. Exot. Curios. Observ. 12.* qui egregium ad aquas hydropicorum educendas huncce deprædicant, itemque à *Cratone L. VI. c. 74.* qui succum sine molestia purgare asserit. Sed cum ipse *Mindererus* fateatur, cautius esse cum hoc mercandum ob vires antimonio vehementiores, inprimis vero *D. Præses de Med. Fac. L. II. S. 1. c. VII.* ob minus tutam adhibitionem hodie nunquam usurpari asserat, ideo præstat ex aureo monito modo laudati *D. Præsidis in Amoen. M. M. L. II. S. 1.* hæcce magis pro usu externo traumatico vsurpare, præsertim cum longe efficaciora hodie prostant. Alias & ipse *Cous* mercurialem & sambucum inter purgantia refert, & aluum magis mouere quam vrinam scribit, *l. 2. de Diet. c. 28.*

Eadem quoque dicenda sunt de sambucinorum vi *emeticâ*, digerendo enim & lubricando primas vias *vomitum ciunt*, quæ, licet ob hancce virtutem a *Mart. Blochwitzio per tot.* valde celebrentur, cum partim diffusa nimis, nauseabunda, & grauantia, partim violentiora, partim ingrata sint, ideo magis conuenit tutiora eligere.

Sic ob sulphur blandum & vaporosum, quod sese in poros insinuat, & ibi demulcendo agit, non solum *somnum ciunt* sambucus, quare & circa tempus, quando sambucus floret, satis



fatis diu dormiunt homines, sed & insigne *anodynum* audit; hinc in *arthritide scorbutica* & *podagra*, doloribus *hemorrhoidum*, *spasmis*, *odontalgia*, *passione hysterica* & aliis affectibus, ab acrimonia sanguinis proficiscentibus, conducere asseritur.

Inter reliquas virtutes sambuci non minima est, quod sambucus in *obstructionibus*, quæ ab humore viscido lento, vel acido fortiori, & fixiori ortum habent, vtilissima sit; incidendo enim & attenuando visciditatem sanguinis corrigit, & eius vigorem restituit, vt *ὀρυασμὸν* debitum acquirat & exitum. Prodest hinc non solum in *hepatis*, *lienis* reliquorumque viscerum *obstructionibus*, *ictero*, *scorbuto* & *cachexia*, sed & *sanguinis menstrui* exitum promouet, & sic *emmenagogam* habet virtutem.

Insignis quoque circa sambucum vsus, isque à *Langio* in *Miscellan.* valde celebratus, iam considerandus venit, quod nempe egregie *lac augeant* flores sambuci cum lacte cocti. Meminit huius *D. Præses in Amoen. M. M. L. II. S. 2. c. 13.* qui floribus ob oleositatem, qua chylo *ὀρυασμὸν* foenerant maiorem, eandem vim attribuit cum *semine nigell. anis.* Similiter consentit *Dolæus Epistol. IV. ad Waldschmid.*

Excellens certe constituunt medicamentum specificum semina in *dysenteria*, quæ a *Iob. Hartmann. Prax. Chim. Iob. Hisk. Cardilucio Officin. San. p. 469. Petr. Borello Cent. II. Obs. 40.* cum pane biscocto, *Mich. Ettmüllero Oper. Med. Tom. II. p. 157.* summe celebrantur.

Nec minor utilitas emergit sambuci in ventriculo affecto, incidendo enim & attenuando crassos crudosque humores ventriculo grata existit, & appetentiam excitat.

Multum adhuc pro vsu interno facit *FUNGVS* iste, caudicibus sambuci adhærens, qui *Dodoneo* gummi, *Lobelio* cum *Pena* excrementum corticosum coriaceumue audit, *Frid.*



*Hoffmannus in Not. ad Schröder.* vero abscessum vocat. Ob copiosas terrestres particulas adstringendi magis & resiccandi vim obtinet; hinc iuxta *Schenckium Observ. Med. L. II. f. 241. Ol. Wormium in Mus. L. II. Hadr. Mynsicht. Arman. Med. Chim. S. XXVII.* inflammationes incipientes sedat, itemque vlçera oris tollit, ideoque in angina remedium existit satis proficuum. Pari ratione etiam vtiliter adhibetur in aphthis infantum, tumoribus & inflammationibus tonsillarum, columellam laxiorem reprimat, in variolis & morbillis quibusdam commendatur, nec minus affectibus oculorum medetur, siquidem æstum & ruborem tollit, cum aqua ophthalmica infusus & applicatus. Ob mucilaginem ab humidis conciliatam alii & emolliendi virtutem laudant.

Cum vero hactenus multa de multiplici vsu sambuci interno dicta sint, nunc conuenit, vt eiusdem præstantiam, quæ in affectibus externis summe celebratur, dilaudemus. Consultum itaque fuerit, vt primo loco laudibus illustremus sambuci vim emolliendi, resoluendi & discutiendi, quæ certe ab omnibus medicis insigniter commendatur, ob mucilaginem enim laudatam emollit, ob sal volatile & sulphur penetrans, halituosum poros cutis aperit, humores stagnantes resoluit, discutit, fluxilioresque reddit, ita vt pars affecta pristinum robur acquirat, & sibi restituatur. Hinc in omnibus inflammationibus, erysipelate, arthritide scorbutica, podagra, tumoribus, ambustionibus & morsibus animalium insigni cum fructu adhibetur planta nostra, & eius præparata, quæ præsertim in erysipelate externe pro specificis laudata sunt quampluribus.

Quod sambucus quoque ob vim diaphoreticam *anodynum* sit, patet, quia insigni cum leuamine ægri applicatur in arthritide & podagra; particulæ enim sulphureæ blandæ  
fese



fese insinuant poris & rodentem acrimoniam inibi latitantem demulcent, & abstergunt, stasque, fibrillas nerueas affligentem, expediunt.

Cæterum de succo corticis mediani & baccarum maturarum asseritur, quod factò prius fotu & lotionè cum lixiuo, quo vasa eluuntur, illitus hic succus *verrucis* easdèm absumat, sed longum tempus requiri ad curationem hancce, quilibet videbit. An vero verrucæ cum ramo viridi sambuci fricatæ & reiecto ramo in finem cum putredine & destructione rami etiam destruantur, & euanescant, hoc iudicio lectoris relinquimus, certum est experientiam de hoc effectu esse rarissimam, imo plane nullam.

Nec prætereundus est vsus *chirurgicus*, quem sambucus præbet, commendatur enim à chirurgis nouellorum ramorum medulla, quæ, licet alias omnis qualitatis expers sit, ob substantiam tamen porosam resiccata atque nonnihil compressa, aut contorta, ad fistularum angustiora ora dilatanda multum facit. Sic legitur historia apud *Sim. Paul. l.c.* quod loco siphunculi argentei vel ænei meliori successu adhibitus sit siphunculus ex ramis sambuci paratus, in angina. Tacemus laudari alias sambucum in vulneribus, paronychia, imo glutinare & *ἰσχυρὰς καavernosa* vlcera curare.

### C A P V T III.

DE

## *Præparatis & Vsu Sambuci.*

**C**Um hodie præcipue à medico practico requiratur, vt non solum cito & tuto, sed etiam iucunde curet; itaque omne studium omnemque operam in eo collocare debet meritò, vt medicamenta, quæ



vel cruda exhiberi non possunt, vel ægrotis ingrata & nauseosa existunt, per præparationem congruam in iucundam formam redigat, atque ita palato gratiora, & ad assumptionem aptiora reddat; si hæc nouerit medicus, felix erit practicus. Quare cum idem & de nostra arbore dicatur, quod nempe per se exhibita non æque palato blandiatur; hinc consultum erit, sambucum, uti ferax est qualitatum ratione, ita & præparationum & compositionum copia superbientem iam lustrare.

Tota fere sambucus in usum cedit medicum, licet non tota hætenus in officinis sit recepta; omnium vero maxime asservantur *Flores*, qui recentes in lacte cocti euporiston celebrantur a *Solenandro* & *Sim. Paul.* l. c. in erysipellate, ubi quoque hi flores in sero lactis infusi & modice cocti ac expressi, si mane & vesperi per triduum bibantur iuxta *Michael.* & *Grüllingium* l. c. remedium existunt reuera egregium dicendum, quod & in febribus quartanis ab illis commendatur.

Sic quoque flores aut sero lactis, aut lacte ipso cocti, quorum expressus liquor propinatur, laudantur in hydrope, ad urinam ciendam, in obstructionibus hepatis, lienis, mensum & reliquorum viscerum, nec minus hoc decoctum, per dicta, insigniter lac auget, ex huius vero usu puerulis diarrhoeam excitatam fuisse *Ioh. Muralt in Kinder und Hebammen Büchlein* obseruauit. Tacemus hocce decoctum sub forma cataplasmati sæpius in erysipellate adhiberi, aliisque inflammationibus, tumoribus, arthritide & podagra, sed cauta sit applicatio, ne repellamus. Florum siccatorum vero usus communissimus, isque laudatissimus est in erysipellate aliisque inflammationibus, & tumoribus. Sic constat eos communiter recipi ad pulueres erysipelatodes, ex quibus præ reliquis celebrari debet præstantissimus pulvis *D. Præsidis*,  
qui



qui in *Diff. de Musco terrestri clauato* descriptus est, & toto die ob egregiam virtutem se magis magisque commendat.

Nec reticendus est sequens puluis, qui præstantiam suam in erysipelate aliisque inflammationibus hætenus pluribus vicibus probauit: *R. flor. Samb. miiij, residui Decoct. Saturn. exsiccat. unc. sex, myrrh. camphor. a. scrup. IV. M. F. Puluis.* Inprimis autem siccati flores recipiuntur ad sacculos discutientes in inflammationibus, erysipelate, tumoribus mammarum, à lacte coagulato, aliisque tumoribus. Puluerisatos flores, & cum vino assumptos contra omnis generis venena prodesse expertus est *Gabr. Fallopius L. I. Secret. p. 126.* quo de difficile erit experimenta instituere. Sic flores quoque adhibentur cum aliis ad infusa in inflammationibus & febribus

*Aqua* paratur affundendo floribus sufficientem quantitatem aquæ calidæ simplicis, & tunc destillando l. a. quæ aliquoties nouis floribus superinfusa, & iterum destillata aquam exhibet egregiam. Hæc aqua summa cum vtilitate præscribitur à medicis in potionibus, mixturis, ad omnes febres, & præsertim quartanam, inflammationes, omnium maxime ad erysipelas, contra quod potio polychresta apud *Langium in oper.* describitur, quæ ex aqua florum sambuci, eiusdem rob, pauco melle, & spiritu salis, vt insigne pro potu ordinario laudatur remedium. Hinc etiam in variolis, morbillis, febribus petechialibus, ex floribus destillata aqua non minori vtilitate se commendat.

Egregii quoque vsus est hæc aqua in hydrope, dum aquosos humores per vrinam educit, qua de causa hydropicis a *Roder. a Fonseca Tom. II. Consf. 39.* commendatur, & in hydrope *Petr. Krauss.* valde familiarem fuisse aquam testatur *Herstius L. IV. Observ. & Epist. Med. 39.* Sic extata aqua hydropica ex sambuco apud *Hoffmann in Thes. Pharm. Schröd.*



*Schröd. p. 24.* Nec minus se commendat hæc in hepatis, splenis, mensium, reliquorumque viscerum obstructionibus, ubi cum successu aliis mixta propinatur. Externe vero in erysipellate, aliisque tumoribus & inflammationibus, sed circa huius usum prospiciendum, ut legitimo modo applicetur ista, alias sinister euentus sequitur. Recipitur quoque hæc aqua ad clysteres.

Huic aquæ consimilis habetur ista, quæ ex tota sambuco destillatur, & in *Offic. Gothan. p. 68.* legitur, quippe quæ in iam laudatis affectibus utiliter adhibetur, præsertim vero in inflammationibus & febribus celebratur, sicuti hunc in finem & aqua febrifuga ex sambuco paratur.

Paratur quoque *spiritus* ex floribus cum spiritu vini simplici, iuxta *Blochwitzium* vero ab aqua per phiolam noua destillatione lento balnei calore separatur, qui in iisdem affectibus, ut aqua, maiori utilitate sese commendat, & deprehendimus huncce spiritum ingredi omnes fere formulas sudoríferas supra laudatis in affectibus. Sic spiritus celebratur quoque à *Sennerto L. V. instit. Med. p. 3. S. III. c. 5.* in spasmodis, ab aliis in arthritide, odontalgia, si in ore detineatur, & os cum eo colluatur. In genere notari meretur insignem medelam facere hunc spiritum in morbis malignis & contagiosis, si cum aliis alexipharmacis misceatur; hinc summa cum utilitate recipitur hicce compositus cum *Cort. Citr. menstrui* loco in *D. Præsidis Tincturam Bezoardicam essentialissimam* decantatissimam, quod medicamentum certe & auctore & virtutibus est celebratissimum.

Potest quoque ex floribus recentibus grosso modo incisis parari *conserua*, quæ pariter easdem cum floribus habet virtutes, ut illas iam repeterè superuacaneum sit. *Oleum* vero expressum ex arillis viridescens magis usurpatur, ubi emol-



emolliendum, digerendum, lubricandum, hinc prodest in tumoribus, ad vomitum ciendum, & purgandi fine, sed vehemens & anxietates maximas pariens, ideoque inusitato, & consultius magis, cum semine lycopodii, vel floribus sulphuris etiam, in scabie. Vnde & balsamum sulphuris externum quidam inde parant, in affectibus frigidis, paregoricum.

*Vinum*, quod cum floribus infunditur, in febribus non plane temnendum, si modice sumatur. *Acetum* vero ex floribus, infusione paratum, & cum theriaca inixtum, maiori utilitate adhiberi potest, in febribus, imo & peste ipsa, aliisque morbis malignis. Utiliter quoque hocce acetum cibis permiscetur, quippe hoc modo gratum ventriculo appetentiam excitat, crassos crudosque incidit, & attenuat humores. Sic *Eman. Koenig* acetum ex floribus egregium discutiens & refrigerans in inflammationibus variis vocat, & præsertim in erysipelate & arthritide pannus è cannabe in Sperm. Rannar. sæpius intinctus, ac tinctura croc. cum hoc aceto florum sambuci infectus, maxime si prius sapone Veneto inunctus sit, multum dilaudatur. *Essentiam* è floribus & foliis parat *Sala, sect. 3. C. 2. §. 5.* sed effoetam procul dubio.

Nec minor utilitas celebratur *baccarum*, quam florum, siccata enim & puluerisata in erysipelate, febribus aliisque inflammationibus valde laudantur, & ob egregiam vim diaphoreticam, qua multas particulas aqueas, oleosas, salinas & sulphureas per poros cutis eliminant, baccar. siccatar. 3j. per longius tempus in vino albo cum pauxillo cinnam. sumptam in corpulentia nimia utiliter adhiberi asserunt. Tali ratione quoque laudantur in hydrope, ictero, passione hysterica & aliis affectibus, ab acrimonia sanguinis profici-



Pari modo aqua ex baccis sambuci parata, itemque spiritus ex acinis per fermentationem similes cum aqua & spiritu florum præstant effectus in supra laudatis affectibus. Baccarum vero *succus inspissatus*, siue *rob*, uti vulgo est notissimum, ita & familiarissimum, quo promiscue, nullo in consilium adhibito medico, sibi sudores prolicit, cum haustu aquæ card. bened. Imo notari meretur, quod vulgus spiritum vini super rob infusum accendat, & tunc febricitantibus ad cochlear calidi huius rob exhibeat ante paroxysmum, deinde æger sudare iubetur, quod ter repetitum febrilem æstum sensibiliter minuere dicitur. Hinc ob virtutem antifebrilem hocce rob etiam electuaria sudorifera in febribus ingreditur, & hunc in finem basin constituit hocce rob præstantissimi istius *Fermenti febrifugi*, & *Maluatici sambucini D. Præsidis*, quæ medicamenta certe non solum facili negotio præparantur, sed & insignem exerunt effectum, à pluribus valde celebratum. Imo hocce rob adeo præstans est, & particulas malignas & peregrinas tam potenter è corpore eiicit, ut vulgus etiam illud theriacæ adæquet, toto enim die experiri licet, vulgare apud rusticos in omni fere morbo esse medicamentum sumptum cum spiritu frumenti, quo facto ad sudandum se reponunt, & tunc iterum sani euadunt, hinc merito rusticorum theriaca siue panacea dici meretur. Quare etiam summa cum vtilitate contra venena, pestem & morbos malignos non solum curandi, sed & præseruandi fine adhibetur.

Referri huc potest notabilis historia, quæ in *Laurembergii Acerra Philol. Cent. I. pag. 93. ex Mich. Neandri Physic.* recensetur, vnd von der wunderbahren Krafft des Holunder oder Flieder-Baums inscripta est. Es soll in Teutschland ein regierender Printz einstmahls auff der Jagt gewesen seyn,



seyn, vnd sich von seinen Leuthen, tieff in den Wald hinein, verirret haben, woselbst er ein kleines Bauer-Häusgen, vnd vnter dessen Hauß-Thüre einen alten Greissen sitzen sehen, welcher sehr geweinet. Der Printz habe sich über diesen venerablen Alten sehr verwundert, vnd ihn gefraget, warum er weine? Worauff solcher geantwortet, er seye von seinen Vater geschlagen worden. Bey Vernehmung dieser Worte wäre der Printz in noch grössere Verwunderung gerathen, wie leicht zu erachten, vnd habe gefraget, was die Vrsach der Schläge gewesen? Vnd zur Antwort bekommen, sein Groß-Vater seye ein sehr alter Mann, der nicht mehr gehen könnte. Solchen hätte er, der Weinende, auff den Tisch heben sollen, ihn aber fallen lassen, weswegen sein Vater den Prügel zur Hand gesucht. Vber diese Erzehlung wäre der Printz vollends in das höchste Erstaunen gesetzt worden, seye abgestiegen, in das Haus gegangen, vnd habe diese alten Männer alle drey besehen, da er dann, auf fernere gethane Fragen, vernommen, vwie der Erste, so geveinet, achtzig, der Vater hundert und drey, der Groß-Vater aber hundert und acht und zwantzigh Jahr alt gevesen, und fast nie andere, als Milch-Speisen und Holunder-Safft, sonst Flieder-Muß genannt, gegessen, auch iederzeit pures Wasser getruncken hatten.

Hæc historia, si vera est, docet, horum senum mirandam senectutem, partim ex bona diætâ, partim ex vsu rob sambuci prouenisse, cuius balsamica vi & alexipharmaca totum corpus ab omni malignitate præseruarunt. Sic & hocce rob vti sudorem, ita non minus vrinam ciet, & hinc in hydrope, & ictero vtile existit remedium. Vti vero nullum præparatum ex sambuco maiori gratia assumitur, quam rob, ita etiam frequentius præ aliis in vsum vocatur, imo foeminæ



ipsæ, alias delicatulae magis, post iram vel terrorem prægressum, & si circa præcordia anguntur, hocce rob cum aqua sambuci, vel C. B. ad sudorem mouendum vtuntur quam sæpissime, ne erysipelas vel aliud malum accedat.

Sed vt omne nimium vertitur in vitium, id quoque ad rob sambuci applicare licet, constat enim ex *Salmuth Cent. II. Obs. II.* quod ex nimio eiusdem esu hepaticus fluxus ortus fuerit. Externe vero hocce rob, vti ab *Agricola Chirurg. paru. Tract. V. & Grülingio Florileg. Chim. 566. & Med. Curat. Cent. III. Obs. 27.* obseruatum fuit, emplastri forma vtilissime in inflammationibus, ambustis, ac a cane demorsis adhibetur, feruorem enim mitigat, & extinguit, portionesque ferocientes expellit, omnemque exulcerationis metum tollit. In febribus ad plantas pedum applicatum eandem virtutem exserit.

Extractum, quod ex sambuco paratur, & in *Officin. Gothan. p. 123.* extat, in iisdem cum rob prodest affectibus. Laudatur & puluis seminum in dysenteria, & præsertim ex seminibus parata *Tragea granorum Actes*, & ab *Hartmann. Prax. Chimiatr.* descripta, vt insigne specificum arcanum aduersus dysenteriam à *Cardiuc.* in *Offic. San.* commendatur. Consultius paratur panis, ex farina secalina pista, cum acinis recentibus maturis contusis, substantifice loco aquæ, hinc coquendo in fornace discissus, in frustra oblonga, exsiccatur, vt instar panis biscocti tinctura gaudeat, & ab acinis virtutem roborantem sortiatur, vel per se assumendus, vel cum aliis miscendus in puluere.

*Turiones* siue gemmae, primo vere progerminantes, purgandi fine assumuntur communiter, vt acetarium cum oleo oliuarum, aceto & passulis minoribus, vel etiam acetariis miscentur, ita, vt a vulgo pro vniuersali purgante habeantur.



beantur, quo se per totum annum à morbis præseruare autumant, sed infelici aliquando eventu; quare hancce consuetudinem culpat *Sim. Paul. l. c.*, qui refert, quod euporiston sibi paret vulgus ex turionibus acetarii forma, eo fine, vt se à febris præseruent, sed malum euentum sæpe fuisse secutum ab eorum esu, nempe febres aliaque symptomata sibi met accersuisse. Sic & hosce turiones cum spinachia & brodio carnis in pultem coquunt, & tunc assumunt, sub qua forma tutior est eorum vsus, coctione enim crudiores particulae infringuntur, attamen obseruatum fuit, quod prima hæc germina cocta & asparagi modo assumpta ventriculo perturbato vomitiones fecerint. De hypercatharsi ex esu turionum sambuci vid. *Ephemerid. German. Dec. II. Ann. IX. Obs. 17. p. 48.* & ibi notata alia, ob sulphur nauseabundum, vitriolicum, ingratum.

Extant de succo radicis & turionibus sambuci encomia, sed cum *αῖμα* & *κράτα* purgent ad instar antimonii, & efficaciora prostant longe, consultius est ab hisce vehementibus. Idem dici potest de *Conserua* turionum sambuci, quæ in *Offic. Gothan. p. 118.* describitur.

Infusum ipsum cum vino, quo à multis cura vniuersalis ad sanguinem purificandum instituitur, cautius propinandum, quia facile vomitum molestum aliaque mala præsertim ventriculo perturbato excitare potest.

In genere autem hi turiones, & ex illis parata, ob saporem nauseabundum ventriculo ingrati existunt, siquidem vomitus molestus, tormina & diarrhoea excitata fuere ex illorum esu; sic coma quoque obseruatum fuit ex crudis iulis comestis, teste *Bartholin. Act. Hassniens. Volum. I. Obs. 79. p. 164.* Hinc tutiora magis eligantur, præsertim vero delicatiores ab horum vsu abstineant, vel ad summum plebeiis sua cura annua grossior relinquenda.



Et hic quoque simul memorari meretur curiosa observatio, quæ in *E. N. Schweitzerischen Hauß-Buch* extat, in quo Heluetus quidam ex usu turionum sambuci, plenilunio ante festum paschatos decerptorum, & acetarii forma adhibitorum, centum annos vixisse legitur. An vero hæc ætas ab esu turionum prouenerit, an potius ex accidenti contigerit? merito dubitatur. Hoc non negandum, quod aliquid ad vitam longam contribuere potuerit.

Ex *fungi* maceratione & coctione in lacte fit gargarisma, quod inflammationes incipientes mitigat, vlcera oris & anginam curat. Infusum vero vel decoctum in cereuisia aut vino pro potu ordinario conducere, & in morbillis, variolis & hydrope laudatur, sed minus quoque id vsitatum, potius puluis à *Camerario* in hydrope commendatur.

Nec sua laude est priuandus *cortex medianus*, huius enim ramenta pedibus vel loco affecto repetitis vicibus circumligata laudatum constituunt remedium in erysipellate, aliisque tumoribus calidis, itemque iuxta *Sim. Pauli c. l.* & *Grülingium Florileg. Hipp. Herm. Chim. part. 26.* in podagra, sed hic notandum, ne tam succulenta, & multis particulis aquosis referta, in usum vocentur, alias repellunt. Tutius res procedit, si ex observatione *Dioscoridis* cortex aut folia tenera ac virentia cum polenta misceantur, quippe ex quo æger in inflammationibus, ambustionibus & moribus à cane insigne leuamen percipit.

Et præsertim hic cortex in ambustis insignem fert opem; hinc macerato cortice in oleo oliuar. vel rosar. oleum exinde contra ambusta adhibetur. Sic vnguentum ex cortice hoc extat apud *Matthiol. in Comm. ad Dioscor. L. IV. C. 168.* quod etiam recenset *Sim. Paul. c. l.* Præstantissimum autem deprædicant *Alfons. Ferrius in Tract. de Sclopet. vulner L.*



*II. C. 19. Forestus, L. XXXI. Obs. 8. & L. II. Obs. Chir. 18. Montanus, Cons. 119. Helid. Paduan in Cur. & Consil. Med. p. 318. Borellus, Cent. I. Obs. 50. Velschius Exot. Curios. Chil. I. Obs. 45. Sennertus L. V. Prax. C. 18. P. II. & alii plures vnguentum ex cortice mediano ad membra ambusta, quod in Pharm. Augustan. & Dispens. Brandenb. reperitur, in quo cocturam improbat solertissimus Zvvelfferus, & loco coctionis digestionem substituit. Paratur quoque ex eius succo cum cremore lactis mixto vnguentum egregium, quod scabiosis conducit.*

Infusum vero vel decoctum corticis mediani cum cereuisia vel vino commendatur ad vrinam ciendam, item in hepatis, lienis, mensium obstructionibus, sed minus tuta est eius exhibitio, præsertim in delicatioribus, quare melius omittitur. Quod vero huius corticis decoctum tanta virtute polleat, vt pestem abigere queat, dubitare licet. Habetur quidem exemplum apud *Ebrodunens. L. V. Vniuers. Hist. Plant. C. 23. p. 547.* de corticis mediani decocto cum theriaca exhibitio, sed virtutem alexipharmacam magis theriacæ, quam decocto huic adscribendam esse, credere fas erit, si consideramus, particulas in cortice esse crudiores & minus respondere illis, quæ in floribus & baccis deprehenduntur, quippe multo subtiliores & penetrantiores ad miasma virulentum è corpore eliminandum experiuntur. Id quoque valet de huius corticis virtute venenis resistendi, quam *Grüling. Floril. Chim. Part. XXV. C. 2. pag. 493.* valde deprædicat, externe tamen aliquid præstare potest.

Folia potui ordinario immissa à *Reusnero Obseru. Med. LXXXVII. & Gottsched. Flor. Bruss. p. 246.* in doloribus hæmorrhoidum laudantur, sed hunc effectum magis externe, quam interne præstare creditur, cum ob vim purgandi  
malum



malum potius exasperent. Paucis adhuc notari meretur, quod ex observatione *Al. Pedemont de Secret.* folia contusa & imposita curent vulnera, paronychiam & animalium venenatorum morsus & puncturas. *Horstius Pharm. Cathol. Part. I. Lib. 1. C. 95.* folia ad dolorem & pustulas ab urtica excitatas, tollendas, applicanda suadet, quæ demulcendo & refrigerando id præstant, qua de causa etiam hæc folia cum feuo arietino aut hircino ad dolores podagricos leniendos imponuntur.

Præter hæc plura insignium sambuci virtutum exempla & documenta colligere, dictaque specialibus testimoniis corroborare, facile esset, nisi iam constet, per adducta iam satisfactum esse instituto: neque enim arduum est medico prudenti à laudatis vsibus ad alios, licet non expresse indigitatos, casus affines applicationem facere. Tacemus facillimum esse rei pharmaceuticæ gnaris in alias atque alias pro re nata formulas redigere sambucum.

Si tamen quis ampliorem campum singularem circa efficaciam sambuci experimentorum & formularum videre cupiat, is post *Tabernamontanum*, *Ioh. Bauhinum*, *Hermannum in Cynos. M. M.* ubi sat plures extant compositiones, amplissimum reperiet virtutum & formularum sambuci catalogum apud *Mart. Blochvitzium in peculiari tractatu de sambuco*, qui aliis contra plurima cumulavit præconia, ut in his excessisse fere videatur.

Cæterum post multas ac varias utilitates in medicina, nunc pauca etiam virtutes sambuci oeconomicas, culinares & mechanicas recensere licet. Sic flores siccati ab oeconomicis infunduntur vino mucido, ut iterum saporem gratum nanciscatur, sed hocce vinum excessu caput grauare potest.

Hinc & flosculi recentes, vel cibis permixti, vel cum ouis frixi



frixi comeduntur, vel paratur ex iis frictilla hoc modo: R. farinæ triticeæ manipulos tres, album. ovor. n. sex, sacchari q. s. ad gratiam, lactis parum, fiat exinde tenuissimum liquamen, in hoc immergantur umbellæ florum sambuci, & tunc liquamine hoc inspersæ umbellæ indantur in patellam butyro, vel axungia porcina feruente impletam, coquantur. Hæc frictilla cum gratia comeditur, sed ne quid nimis, alias nauseosa existit, cum & ἀνω & κατω facile purget, ne repetamus vino floribus sambuci saporem moscatellinū conciliari solere.

Sic quoque constat, quod ruricolæ ex baccis maturis atropurpureis coctione, vel per se, vel cum pulpa prunorum mixtis, egregium parent pulmentum, quod circa tempus maturitatis baccarum quotidie inter fercula rusticorum principem occupat locum, ex quo optime certe valent, siquidem hoc pulmentum præstans dici meretur alimentum medicamentosum.

Tacemus vasa, quæ ex sambuci ligno parantur, sic cantharus, qui pro potu ordinario hauriendo ex hoc ligno conficitur, ob vim alterantem multum prodesse dicitur.

Dolendum, quod iuxta *Bartholin. Med. Dan.* baccæ maturæ magis in escam avium, quam hominum cedant, ob saporem enim gratum, acidiusculumque palatum illarum vehementer oblectant, vnde etiam per totum fere autumnum aucupes pro decipiendis irretiendisque variis avium generibus hisce baccis vtuntur.

## C A P V T IV.

DE

### *Curiosis circa Sambucum observationibus.*

**P**Rius vero, quam finis nostræ dissertationi imponatur,  
E me



memorandæ adhuc sunt quædam curiosæ obseruationes, ad præstantiam sambuci multum facientes.

Celebratur hinc passim apud multos auctores, & speciatim apud *Hartmannum l. c. Henr. Petri Nosol. Harm. Finckium Encbir. Dogm. Herm. Matth. Vntzerum Tr. de Epileps. Bartholin. l. c.* vis antepileptica sambuci salignæ, quæ facultas illi hanc ob causam imbuta traditur, quod nempe pica maturas sambuci baccas alacriter deuoret, & tunc iterum nihil fere mutatas per inferiorem gutturem in salices reuomat annosas, & sic antepileptica facultatē tam baccas imbuat semefas, quam sambucum exinde nascentem, ob picæ idiosyncrasiam. Quæ traditio, licet fabulis plane annumerari non possit, cum tale quid facile accidere queat, attamen de facultate antepileptica ab idiosyncrasia picæ dependente merito dubitatur, cum nec experientia hodie talem facultatem de principiis constitutiuis sambuci salignæ confirmauerit, nec rationi conformis sit talis imbuta facultas.

Multo minus cum ratione & experientia conuenit, quod ille, qui prima vice paroxysmum epilepticum sustinuit, à solo cubatu sub sambuco restitui possit, licet persuasum habeatur, multa effluuia emitti è sambuco.

Nec certus atque indubitatus est iste effectus, qui pulueri ex radicibus sambuci salignæ parato adscribitur, quod nempe huius pulueris parum infanti iam in lucem edito cum pulmento primo datum, infantem ab insultibus epilepticis plane præseruet, hæc vis antepileptica enim nondum demonstrata est.

Id quoque valet de amuleto ex sambuco saligna, quod *Medici Hassnienses* valde dilaudant in epilepsia, de qua nouem orbiculi ad scrobiculum cordis suspenduntur, vsque dum filum rumpatur, postea digitis non tactum, in locum sepius liatur,



liatur, nec ab homine, nec à brutis frequentatum, vbi etiam multa superstitiosa occurrunt, quæ plane reiicienda. Aliter res se habet cum aliis amuletis, quæ non solum experientia probata sunt, sed etiam ex ratione demonstrari potest eorum effectus, vti hoc satis probat decantatissimum hodie illud Colchicum, quod *D. Præses* paucis abhinc temporibus communicauit, hoc certe ob insignem virtutem, quam toto die præstat, se adeo nobilitauit, vt variolis iam grassantibus anxie desideretur, quærat, efflagitetur.

Curiosissimum sane est illud, quod de turionibus traditur, & apud multos scriptores legi potest, quod nempe turiones, si sursum versus coelum euellantur, per vomitum, sin terram versus, per aluum purgent. Quid igitur hic sentiendum, optima videtur sententia *D. Præsidis de Med. Facult. c. l.* qui certe omnem rem satis egregie explicauit, secus ac *Hellmontio* & aliis vulgo placuit.

Notari quoque meretur curiosa observatio, quam *Bartholinus* habet de gallinis, quod illæ ab esu baccarum sambuci moriantur, sed hætenus nullum his baccis institui potuit experimentum, cum semper gallinæ baccarum esum fugiant, & nullo modo illorum cibus tanta copia admisceri queat, ex qua noxa oriatur.

Memorable etiam huc referri potest ex *Iob. Hisk. Cardilucio in Comm. ad Hartm.* vbi lignum sambuci incendia cohibere ignisque flammam restinguere traditur, sed in microcosmo talem effectum præstare totam arborem in superioribus demonstratum fuit, in macrocosmo autem experientia hoc nunquam confirmauit, imo constat, eius lignum vi ignis destrui, vt aliud lignum.

Non minus liceat addere locum insignem *Camerarii*, qui in *suo Horto Med. & Philos.* refert, quod insita prunus



in sambucum, quamuis non facile comprehendat, fructus ferat purgantes, ast cum ipse de difficultate huius operationis conqueratur, imo nullibi expresse dicat, se tale quid expertum esse, dubitandum, quod vnquam tale quid factum sit, præsertim cum difficillimum sit, hæc duo diuersissima ligna combinare.

Quod & pueriles aliquando actiones, & ab adultis plane neglectæ, vel illis ansam præbere possint, has accuratius considerare, imo illas imitari, probat sambucus, nam constat, quod ex eius ramis pueri siphunculos sibi parent, cum stuppa in duobus orificiis impleant, & tunc explodant, quibus siphunculis certe maxime delectantur, hinc non immerito sambucum Puerorum Gaudium dicendam putat *A. P. E. B. in seinen Abentheur der natürlichen und künstlichen Sachen in Sina und Europa.* Et sane si iam citati autoris annotationi fides habenda est, ab explosionibus cum siphunculis à puerorum grege institutis, adulti postea inuenerunt tormenta ista bellica, horrendum opus dicendum.

Agmen claudant superstitosæ quædam narratiunculæ rusticarum de sambuci vi contra pessimas sagarum insidias. Sic appropinquantes stabula interdum cernimus ante fores sambucum; si de causa quæritur, respondent: Sic sagas non posse vaccis nocere incantationibus. Sed licet sciamus haberi & plantas contra fascina, attamen hoc de sambuco affirmari posse nullibi dictum fuit. Quod vero talem effectum præstet sambucus, dependere videtur ab eius sale volatili & sulphure penetrante, quo per totam fere æstatem stabula implentur, quodque efficit, vt pori & vbera vaccarum obstructa referentur & aperiantur, sicque lac iterum à rusticis exprimi queat, quibus antea obstructis, vel male se habentibus vaccis statim hocce malum incantationibus diabolicis attribuerunt.

Idem



Idem valet de vasis ex ligno sambuci paratis, quæ etiam effluvia emittunt, & hunc in finem à rusticis in stabula portantur, quo pabulum exinde sumant vaccæ, & lac in hæcce exprimatur, sicque putant sagarum insidias non valere aduersus vaccas, in quarum stabulo talia vasa asseruantur.

Symbolica sunt & affinia sambucus & ebulus, de quibus vtrisque plura, quæ huc pertinent, legi possunt apud laudatos autores Botánicos & Medicos, tum antiquos, vt præter Hippocratem, quod in *Indice Operum* latius videre est, Galenum, Dioscoridem, tum recentiores vbertim videre est, Rolfincium l. de purgantibus vegetabilibus, Raium, & quosuis alios reperias. Nos impræsentiarum hic calamum fistimus.

SOLI DEO LAUS HONOR ET GLORIA!

**S**I Themidos natis largitur magnus  
Apollo

Præmia, quid mirum? Si Tibi  
& ille dabit

Præmia, digna tuis conatibus, optime  
TREISI.

Gratulor hæcce Tibi. Viue, va-  
leque diu.

Hisce de meritis Honoribus Nobilissimo Do-  
mino Doctorando gratulatur

**BVRCARD GOTTH. STRVVE,**

H. T. ACADEMIÆ PRO-RECTOR.



**V**T coelum nitida stellarum lu-  
ce superbit,

Ipsa etiam terræ gloria laude  
micat.

Hanc maiestatem diuini numinis  
almam,

Mente sua capiens æstimat vnus  
homo.

Sed tanta est, vt vix vel solam exhau-  
riat herbam,

Vt plures visæ sæpius exupe-  
rent.

Vnica sambucus summos excellit in  
vſus,

Quo Tibi condignus nomine sur-  
git honos.

De hoc ex merito gratulor

P R Æ S E S.



**E** *St plantis virtus: virtuti dantur  
honores:*

*Hinc virtutis amans præmia sum-  
ma capit.*

*Quid mirum, TREISAM, laudis  
portare brabea?*

*Cum plantæ vires eruat ille sagax.*

Ita Nobilissimo & Clarissimo Domino  
Doctorando applaudebat

IO. HADRIANVS SLEVOGTIVS, D.

P. P. & Med. Sax. Prov.

**P** *Ro captu fanantis habent sua  
fata medelæ,*

*Arte malum vilis sæpe frutex su-  
perat.*

*Sambuci vires inquiris, &, arte me-  
dendi*

*Tinctus, iis morbos pellere rite  
vales.*

Faustæ gratulationis ergo scripsit

IO. ADOLPHVS VVEDELIVS, D.



**P** Andere sambuci genium conaris amice:  
 Sic simul ad magnæ tendis præconia laudis.  
 Apprecor, ut fama multis memoreris in oris,  
 Moxque Tuum nomen totum circumvolet orbem,  
 Sic Tibi dulcis erit durus labor, ante peractus:  
 Sic Tibi sambucus lauri producet honores.

Ita Nobilissimo Dn. Doctorando auditori hæcenus  
 suo æstumatissimo applaudebat

**HERMANNVS FRID. TEICHMEYER,**

D. Phil. P. P. Ord. & Med. Extra-Ord.

---

**Q** Vanta sit in sano seruando corpore virtus  
 Sambuci, præsens pagina docta docet.  
 Hinc ergo fatis egregie Doctissime FREISI  
 Emicat ingenii vis generosa Tui.  
 Junctus honos opibus Galeni munera rara,  
 Te quoque, doctrinae præmia certa, manent.

Clarissimo Dn. Ddo Auditori suo perindustrio, Fak-  
 tori æstumatissimo, gratul. scr.

**JOHANNES BERNHARDVS WIDEBVRGIUS,**

Math. P. P. Ord. Ducal. Alumn. Inspector.

---

**S** Ambucus lurrum profert; Ex arbore surgit  
 Diuersum germen: mirane quisque videt?  
 Sambuci vires indagas, optime TREISA,  
 Hinc datur ingenio læurea digna Tuo.

Hicce

Nobilissimo Dno Auditori, Cui, atque amico suo per-  
 quam colendo, gratulabundus adplaudebit

**M. DAN. GOTTF. VVERNER, Eisenberg.**